

Rö. 1. 67.

Röpl. 64



Die Schlacht der Turcken widder die Ungern.

Im Jar. M. D. xxvi. Auff

Sant Johannes enthauptung tag frue zwischen drey
vnd vier/huß sich die Schlacht an/bey der Stat Noach
genand/auff ein plaen bey dem Bach Crascho genant/
der Türckische Keyser heyst mit namen Polthan Zemes
lien/vnd hat vier Capitaner vber sein heer. Der erste vil
fürnemste wird genandt Braym Bassa/vnd hat vnter
yhm vierzig tausent reysigs zeügs. Der ander Capita
ner Balibeck/ hat auch vierzig tausent reutter vnder
yhm. Der dritte Capitaner Bassa von Tessalia hat

dreyssig tausent fußknecht vnder yhm. Aber der

Türckische Keyser Polthan Zemelien

hat bey im sunderlich ein solche

grosse schar das sie nies

mant weis oder

zelen kan

dan allein Got.

Von den fürnemsten dye

umkommen sind von dem heer des

Ungerischen Königs.

In diesem krieg sind erschla-

gen gar tapffer vnd edele meinner/vnnd schier der Adel
gar des Ungerischen Königs ist vertilget worden.

Item Herr Johan Pari mit seynem binder Blasio Pari
eyn Byschoff der Tauriensien/ Herr Franciscus von

Bachian Croacien/vnd Schlaunien Baro ic. Herr
Johannes Colari/ Herr Franciscus vñ Wolffgangus/
vnd Emeritus Balasta/vnd all vnderthan vnd gewal
tige des Herrn Osai. Herr Johann Dracks eyn Baners
herr des Reichs/ Herr Valtin Theioriocti/ Ambrosius
Serckym/ Thomas zechi/Petrus Erdmandi/ Die all
seynd erschlage. Item fünff Byschoffe der Königliche
Maiestat Radtgebern/Als der Byschof Variensis/ Der
Bischof zagrabiensis/vñ Agramensis/ Der Byschoff Zi
ranensis/ Der Byschoff aurensis/ Der Byschoff Varadi
ensis/ Der Byschof Turso war auch in der Schlacht. Item
Graf Göige Scopusiensis/vñ der Capitaner des heeres
ist ganz sehr verwundet worden/doch ist er komen auff
eyn klein schwarz pferdlein ynn ein stat Batta genand
welche von dem ort der Schlacht zwü meyleywegs leyet.
Wo aber Königliche Maiestat ist bliebe/ ist mir nicht
wißlich. Item dye Herrn die Schlicken mit yren brüdern
vñ mit yren freunden die in d Schlacht sind gewesen/ die
sind all umkommen. Aber von den fußknechten ynn
dem hauffen Königlicher Maiestat sind jr kaum zehen

daruon kommen/villeicht woll keyner. Item

Graff Johan von Hardeck ist tödtlich

verwundet worden ist kaum dar

von komen. Item der

Bischoff Strigos

nienfis

kam Balde dauon

auff eyn kleynen pferleyn das

hatte eyn oer.

Item eyn grosse zal ist umkommen in dieser schla
cht der Ungern/ Behemen/ Alemaniern vnd Polen/
welche zal Got alleyn weyß. Got sey vns gnedig. Amē.

Handwritten title in Latin script, likely a title page or preface.

Main body of handwritten text in Latin script, consisting of several paragraphs. A circular library stamp is visible in the middle of the text.



Handwritten text continues below the stamp, including a signature and date.

